



Säänöt

§ 1 Nimi ja kotipaikka

Riksförpyntin nimi on Svenska Tornedalingars Riksförbund, Tornionlaaksolaiset, STRT, eli käännetty muihin kiehiin. Tässä kuttuttu förpynti. Förpyntin kotipaikka on Tornionlaakso.

§ 2 Förpyntin päämäärä

Svenska Tornedalingars Riksförbund, Tornionlaakslaiset, on intressijärjestö kielelisissä, kylttyyrisissä ja yhteiskunnallisissa kysymyksissä. Förpynti on intressijärjestö kaikile jotka tunteva yhteyttä meänkielen ja alkuperäsen kielialueen kylttyyriin ja histuurian kans. Förpynti joka perustethiin 1981 on uskonolisesti ja poliittisesti vapa. Förpynti on kielitorvi alkuperäsellem, kieleliselle ja kylttyyriselle minuriteetile ja on hallituksen lausunonantaja minuriteettikysymyksissä. Päämäärä on tukea ja vahvistaa minuriteetin itentiteettiä ja kielelistä ja kylttyyristä kehitystä ja kuuluvaisuutta.

§ 3 Jäsenyys

Jäseneksi saattaa tulla se, fyysinen eli jyrinen henkilö, joka liittyy förpyntin päämäärään ja maksaa päätetyn makson.

§ 4 Jäsenmakso

Jäsenmakso förpyntiin päätethään vuosikonkressissä.

§ 5 Jäsenyyen lopettaminen

Jäsenyys loppuu ytheisellä ylössanomisella eli ko jäsenmakso ei ole maksettu 30 aprillia, jäsenvuona. Johtokunnala on oikeus väliaikhaisesti sulkea ulos jäsenen joka tahalansa rikkoo förpyntin päämäärää. Vuosikonkressi päätää ulos-sulkemisesta.

§ 6 Järjestys

Förpyntin toiminan tekevä:

Ortinaari vuosikonkressi eli ekstra vuosikonkressi, joka on förpyntin korkein päätävä orkaani.

Förpyntijohtokunta on päätävä ja totheuttava orkaani vuosikonkressitten välissä.

Kanslialla on työtehtäviä työjärjestyksen ja förpyntijohtokunnan päätöksen mukhaan.

Paikalisosastoila on vastuu toiminasta vissilä jeokraafisella alueela.

Förpyntijohtokunta saattaa tehdä sopimuksia eri yhteistyökumppanitten kans sääntöjen sisälä eli vuosikonkressin päätetyn toimintasuunitelman mukhaan.

§ 7 Paikalisosasto

Paikalisosasto kirjottaa säänöt omale toiminalle förpyntin sääntöjen mukhaan.

§ 8 Toiminta- ja tilivuosi

Toimintavuosi on sama ko aika kahen ortinaari vuosikonkressin välissä. Tilivuosi seuraa kalenterivuotta.





§ 9 Vuosikonkressi/ehotuksia

Vuosikonkressi on ortinaari eli ekstra.

Ortinaari vuosikonkressi piethään joka vuosi ennen aprillikuun loppua. Ekstra vuosikonkressi piethään jos förpyntin johtokunta, tilintarkastajat eli 25% jäsenistä vaatii sen.

Ehotukset häätävä olla sisälä kansliassa viimisthään 1 februarya.

Asiat mikkä käsitelthään ortinaari vuosikonkressissä:

Tarkastaminen ja päätös äänilistasta

Kysymys jos vuosikonkressi on sääntöjen mukhaan ilmoitettu

Kokkouden puhheenjohtajan valinta

Sekreterarin ilmoitus

Vaali kaks protokollan tarkastajaa jotka on kans äänenräknäjät

Esityslista ja työjärjestys päätethään

Förpyntijohtokunnan toiminta- ja ekonomisen-selvityksen käsittely

Tilintarkastajitten selvityksen käsittely

Kysymys vastuuvaphausta förpyntijohtokunnale

Käsittely ehotuksia mikkä on tulhee sisäle

Käsittely johtokunnan esityksiä

Toimintasuunitelman, tilin ja seuraavan toimintavuen makson käsittely

Förpyntipuhheenjohtajan vaali vuen mantaattiaijale

Förpyntin kasöörin vaali vuen mantaattiaijale

Vaali vähhiinthään kolme ja korkeinthaan seittemän johtokunnan jäsentä vuen mantaattiaijale

Kahen johtokunnan siihaisen vaali vuen mantaattiaijale

Vaali kaks tilintarkastajaa ja yks siihainen vuen mantaattiaijale

Vaalinvalmistelijoitten vaali

Muita kysymyksiä

§ 10 Kuttu vuosikonkressiin/ ekstra vuosikonkressiin

Förpyntijohtokunta lähättää kuttun viimisthään neljä viikkoa ennen vuosikonkressiä.

Toimintaselvitys, ekonominen selvitys, johtokunnan käsittely ehotuksista ja vaalinvalmistelukunnan esitys häätty löytyä kansliassa kaks viikkoa ennen vuosikonkressiä.

Förpyntijohtokunta lähättää kuttun ekstrakonkressiin viimisthään kaks viikkoa ennen ekstra vuosikonkressiä. Samala lähätethään paperit niistä asioista mikkä on aiheuttanee ekstra vuosikonkressin.

§ 11 Äänioikeus

Äänioikeus vuosikonkressissa on kaikila jäsenillä jotka on paikala. Etuilmotus häätty olla kansliassa neljä päivää ennen vuosikonkressiä äänilistan tekemisen takia.

Asiantuntijalla, jonka förpyntijohtokunta on kuttunu, on puhe- ja esitysoikeus

Äänestys on aukein vaalissa, paitti sillon ko suljetun äänestyksen saatethaan pittää jos joku sen vaatii.

Kokkouden puhheenjohtajalla on ratkaseva ääni, paitti henkilövaalissa, missä arpa ratkasee.





§ 12 Förpyntijohdokunta

Förpyntijohdokunta vastaa vuosikonkressille ette totheuttaa förpyntin päämäärät ja toiminan ja hoitaa sen omasuuet ja varat.

Förpyntijohdokunta valitsee keskenänsä varapuhheenjohtajan, päättää firmankirjottajan/prokyristin ja valitsee keskenänsä eli ulkoa kirjurin ja ko tarve oon työ- ja prujektiryhmiä.

Förpyntipuhheenjohtaja, eli sen siihainen, kuttuu johdokunnan kokhoon

Förpyntijohdokunta kokkointuu ko tarttee eli ko vähhiinthään kolmas osa sen jäsenistä vaatii.

Förpyntijohdokunta saattaa ottaa päätöksiä ko enämpi ko puolet sen jäsenistä oon paikala.

Förpyntijohdokunnala oon vastuu vuosikonkressistä ja ekstra vuosikonkressistä.

Siihaisille lähätethään kuttu ja protokolla. Muuten förpyntin puhheenjohtaja päättää kuttusta siihaisille.

Förpyntin työntekijöilä oon oikeus valita eustajan johdokunnan kokkouksiin.

§ 13 Förpyntijohdokunnan työmallit

Joka johdokunnan jäsenellä oon äänioikeus. Förpyntin puhheenjohtajalla oon ratkasuääni. Lisjäsenellä oon puhe- ja esitysoikeus. Äänestys piethään avoimesti jos ei muuta vaaita.

§ 14 VaalINVALMISTELU

Vuosikonkressi päättää vaalivalmistajat, joista yks jäsen valithaan koolekuttujaksi. Jäsenitten numineerinkit johdokunthaan häätvyvä olla kansliassa viimisthään 1 fepryaaria.

§ 15 Protokolla

Protokolla kirjojethaan vuosikonkressissä, ekstra konkressissä ja johdokunnan kokkouksissa. Protokollat, ilman liitheitä, jaethaan kiinnostunheile jäsenille.

§ 16 Tilintarkastajat

Tilintarkastajitten tehtävä oon tarkastaa förpyntin hallintoa ja kirjat ja tehä tilintarkastajaselityksen.

§ 17 Sääntöjen muuttaminen

Sääntöjen muuttaminen päätethään kahessa toisia seuraavissa vuosikonkressissä, joista yksi oon ortinaari. Pienempiä muutoksia säänöissä saattaa, johdokunnan lausunon jälkhiin, päättää vähälä majuriteetilä ortinaari vuosikonkressissä.

§ 18 Purkaminen

Förpyntin purkaminen vaatii kolmen neljäsosan majuriteetin kummassaki kahessa toisia seuraavissa ortinaari vuosikonkressissa. Viimissä niistä päätethään mitä tapahtuu varoile.

Vuosikonkressi 2018-04-14 Luulajassa

